

沅湘耆旧集前编

沅湘耆舊集前編卷第三十二

新化 鄧顯鶴 子立審編

男琮謹輯

元

歐陽文公元

古體詩二十首

元字原功瀏陽人延祐二年乙卯進士授岳州路
平江州同知調太平路蕪湖縣尹改武岡縣尹召
爲國子博士升國子監丞致和元年遷翰林待制
兼國史院編修官時當兵興公領印攝院事日值
內廷參決機務明年初置奎章閣學士院又置藝
文監隸焉文宗親署公爲藝文少監奉詔纂修經

世大典檢校書籍事元統元年改遷太常禮儀院
事拜翰林直學士編修四朝實錄俄兼國子祭酒
召赴中都議事升侍講學士復兼國子祭酒重紀
至元五年以足患風痺乞歸不允拜翰林學士復
懇辭去位不允免其行朝賀禮至正改元更張朝
政有不便者公極言無隱科目之復汨者尤衆公
力爭之未幾南歸復起爲翰林學士以疾未行詔
修遼金宋三史召爲總裁官發凡舉例俾論譔者
有所據依俟其呈稿援筆竄定至於論贊表奏皆
公屬筆五年以公仕累朝且有修三史功擬超拜
翰林學士承旨已而乞致政不允御史臺奏除福

建廉訪使行次湖西疾復作乃休歸南山隱居優
游山水閒復拜翰林學士承旨公屢力辭不獲命
乃起奉勅定國律尋乞致仕陳情懇切乃特授湖
南行中書省右丞致仕給俸終身臨行復降旨不
允仍前官進階光祿大夫十四年汝潁盜起蔓延
南北州縣公獻招捕之策千餘言時不能用十七
年春乞致仕不允是年十二月戊戌卒年八十五
贈崇仁昭德推忠守正功臣大司徒柱國追封楚
國公謚曰文公三仕成均兩爲祭酒六入翰林三
拜承旨修實錄大典實錄皆大制作屢主文衡兩
知貢舉及讀卷官宗廟朝廷雄文大冊播告萬方

制誥多出其手海內爭思得公文辭以爲榮片言
隻字流播人閒咸知寶重所傳圭齋文集揭文安
侯斯序稱四十一卷宋文憲濂序稱二十四卷

四庫著錄則十六卷今其後裔所刊行本詩僅三
卷編次凌亂點畫譌舛類坊閒書賈所爲蓋久已
非完本矣案公與宋執政文忠公同出渤海自渤
海遷長沙越十世而爲唐率更令詢又六世琮始
遷廬陵爲文忠公十五世祖淳祐閒琮之裔孫時
安復自廬陵遷瀏陽爲公之高祖而公與文忠文
章德業亦遂對峙輝映於宋元二代閒若爲一家
之學者然盛矣哉謹錄其古今體詩二卷冠於元

代之首蓋非第爲沅湘之光已也

四庫目錄主

提要云凡朝廷高文典冊多出其手揭奚斯作元

集序稱有曰詩流者三卷曰鈇中者十卷曰驅煙

者十五卷曰強學者十卷曰述真者三卷其門人

王師模所編明宋濂序則謂原集一百餘冊皆燬

於兵惟存辛卯至丁酉七年之作二十四卷其孫

祐持編錄之此本詩賦四卷文十一卷附錄一卷

題宗孫銘鏞編集又非祐持之舊矣孔齊至正直

記曰歐陽元作文必詢其實事而書未嘗代世俗

誇誕時人謂文法不及虞集揭傒斯黃潛而事實

不妄則過之然宋濂稱其文如雷電恍惚雨雹交
下可怖可愕及乎雲散雨止長空萬里一碧如洗
實亦未減於三人也虞集道園學古錄有送元謁
告還瀏陽詩曰憶昔先君早識賢手封製作動成
編交游有道真三益翰墨同朝又十年蓋集父教
授於潭州見元文大驚手封一帙寄集曰他日當
與汝並駕齊驅故集詩云然則元發軔之初聲價
已與集相亞矣宋文憲濂序公集畧文辭與政
化相爲流通然必生於光嶽氣完之時通乎天人
精微之蘊索乎歷代盛衰之故洞乎百物榮悴之
情覈乎鬼神幽明之蹟貫乎華夷離合之由世有

與於斯者其惟楚國文公乎公當四海混一之時
文物方盛一時制誥多出其手海內名山大川釋
老之宮王公墓隧之碑得公片語以為榮文學德
行卓然名世羽儀黼黻公之功為最公文在霄壤
中上則為景星卿雲下則為禮泉朱草光景常新
亘萬古猶一日也顧俠君元詩選傳畧原功生
十歲有黃冠者見之曰是兒神氣凝遠目光射人
當以文章冠世延祐乙卯以鄉貢首薦登進士第
累官翰林學士承旨乞休不允竟以中原道梗卒
於大都寓舍初虞文靖公為國子助教其父并齋
先生教授於潭見原功文大驚手封一帙寄文靖
曰他日當與汝並駕齊驅文靖薦之於朝聲譽赫
赫然相埒

舟次諸牘寄詩奉謝都水分監瑞卿監丞

抱疴辭承明買舟溯官牘裨襟正無悰篷底可容納舳艫
尾相銜密次若鱗甲憶初離神京餘暑尚揮簔淹留近秋
杪朝爽欲添袂紆傳進元策走介奉一札使君適分監羸

縮制有法得書卽欣然愛我踰素狎遣騶護輕舟快若歷
三峽鄉心鷹脫鞴野性兕去柙昔憂阻殺澠今喜泛茗鬢
黃蘆閒蒲稗綠藻咬鼻鴨舒懷對幽景寓目成畫夾公堂
爲展席觴客禮意治病予難卻酒亦復飲盈呷吁嗟逆旅
途知己元不乏相期遠大器畱詩當盟歆感篆辭則長欲
賦慚韻狹

送振先宗丈歸祖庭

并序

歐陽公晚年乞守洪州累表不得請於是歸江右之志
遂不果余詩所謂其居偏方熟於歐文者能知之蓋公
之不歸廬陵其志深有可諒者矣南渡以後宋人多議
公此事洪景盧楊廷秀之賢亦未能免此意甚者謂公

子孫居穎爲金人所戕而遂絕是大不然近年奉詔修三史一日於翰林故府中攜金人遺書得元好問裕之手寫王辰雜編一帙中言安平都尉完顏斜烈漢名鼎字國器嘗鎮商州偶搜伏於竹林中得歐氏子孫甚多以歐公之故并其族屬鄉里三千餘人悉縱遣之則知未嘗殲於金兵也此好事者爲之辭明矣元裕之金士領袖生平極重歐公常有詩云九原如可作吾願從歐陽北人至今佩服其言振先歸以似鄉先生桂隱劉公一觀

歐公孫子多擘派以爲四暮年歸穎陰非無首丘志乞洪不得請由是懈歸計考公生平言亦頗憾先世先世多才

賢生適逢五季幅幘政分裂盡瘁於所事竟乏垂世名蓋
亦限地勢况復公少孤坎壈蜀漢裔身當混一秋代逢承
平際擇里審所安實邇輦轂地子孫託畿內宦轍亦云易
人情曷免爾公豈溺聲利詎知鐘簴移南北尋睽異一枝
先南邁司造有深意沙溪標德里隴岡重塋祭至今青原
家十世祀不替振先吾宗英守正恥軌駸閭閻保家法處
約不少懟嘉樹無曲枝嘉穀無滯穗原本既不凡時需諒
無棄矧今掄俊髦往往論根器老夫辭冊府多病久憔悴
徒懷薦士心言莫事軒輊賦詩當推轂自愧辭已費憧憧
青雲友誰知古人誼

趙文肅公閱武像

復義王孫宮錦袍紅鞋玉帶琕琕刀大夫扛官盛冠佩州
將按旅陳旌旄汝陽眉宇照今古五陵志氣橫江濤世皇
大舉獵德網池上不遺丹鳳毛宮門承詔鑄銅馬瀛洲接
武乘金鼇駸駸亳社百年久奕奕燕臺千仞高

題山莊所藏東坡畫古木圖

眉山昔日生三蘇一山草木爲之枯後來筆端挾春腴卻
令生意回枯株樹經公筆無老醜天以春工付公手誰云
輩行龍眠翁奚必法嗣洋州守山莊劉氏富清玩家有蘇
公舊揮翰恍驚溼蘚黏怪石慣見倒根生斷岸涪翁對此
煮春茶爲公梢上挂長蛇鐙窗細讀假山記秀氣終屬眉

山家

至正壬午十一月余以疾謁告南歸求醫至安成郡
北之族中節判繼先劉君不遠一日攜尊俎見勞談
邊得知爲西臯趙學士之壻別次爲余徵詩卽席走
筆作長句併呈似王守筠溪郭倅明則

德州沃野濟岱雄地產往往多明公與君初見問爵里塵
邊又復知冰翁冰翁西臯古君子擇壻如君信佳士故應
邂逅意味同遠來勞我於桑梓南州初筮發新硯安成名
藩駕屏星金鑾學士已頭白玉潤郎君終眼青我嘗三仕
厯郡邑聽訟催科紛蜩集能令過客情誼洽可見邦侯才
力及古廳小飲亟分手因君索詩爲君壽郡中政清長貳
和爲我寄聲賢太守

贈趙祥

原注祥善裝池

浚儀公子今幾葉裝池裝潢以爲業道傍蒼珉猶一惜池
底元灰信多切鋪張幸及時黼藻流落還同故書篋魏武
子孫曹霸馬唐家宗室滕王蝶淳化石本墨模餉宣和印
章紅摺疊魚鱗已是善排比鷺尾猶況工翦帖但持絕藝
動縉紳勿向同儕論譜牒藝文舊監慚潦倒翰墨當時動
涉獵心期知子價千金只憾無才寫蒲筴

詠春閨怨

東風園林花草香芳閨寂寞春晝長佳人獨守情默默銀
牀錦被閒鴛鴦憑欄倦繡閑延佇怕向花前聽鶯語喚回
舊事千萬端杏臉蛾眉淚如雨玉郎去年辭家時綠楊紅

杏嬌春暉綠楊紅杏色如舊悵望玉郎猶未歸一春魚雁
音書絕雪膚消瘦千腸結斷腸猶立幾黃昏那更青山苦
唳鴉

頃見同舍柯博士所贈趙孝子歌真佳作也客以是
卷繼求余言遂用柯韻作一首

利津城城上烏飛向城南叢塚呼塚前無人作寒食但有
被髮哀號孤行人厭烏見被髮憾欲射烏金僕姑靈烏下
告孤兒苦遠訪親骨踰重湖兒生四歲時父別阿嬈去嬈
老婦已孀養兒爲兒娶兒思往從父念嬈共饑渴今年令
伯正陳情他日韓湘竟收骨江南五千里山東二百州州
州旅寓有南北爾父存亡何處求跣行及河十趾血河風

沙洲看春集 前編卷之三 二
吹沙天慄烈遭風執友向燕薊指示邱墟瀕海禍身爲衛
子髮總鞍鞍忽墮地開親穴君不聞曹娥江頭哭父屍浮
龜魚孝子精神貫今古明神降鑒塞空虛博士作歌傳里
閭

贈畫工黎仲瑾

原注號
碧山

吾聞甚宏之忠裂金石精氣千年化爲碧人生賴有方寸
妙萬變神奇從此出又聞西方梵僧名法能令兩眼碧
色晶熒熒有時肘後灑墨汁纖穠疏秀皆成形碧山畫神
欲入品表裏神光碧瞳炯浮嵐暖翠山不受盡付晴窗落
泓影碧山學士今爲誰玉堂茅舍各有時煩君添我山下
屋更看白雲相陸離

題子美尋芳圖

吾年三歲聲晤呶慈親膝下教杜詩如今蟬蠹三十載夢寐欲見終無期誰家山水空翠溼彷彿相逢拾遺掛金馬門前封事稀碧雞坊裏尋春急野桃官柳春漣漣水流山店依平川眉尖不著杜鵑憾壺中風月開元天君乘蹇驢步如棘後有驕驢追不得茅屋西風五百年虛度人閒幾春色

題紫微老人大字歌

紫微老人射生手挽強竟取黃金斗驃騎營中拜驍勇鳳皇池上稱耆舊時平腕力無所施筋力猶能學顏柳縱橫戎略結搆體殺活兵機屈伸肘山莊劉氏最多得當日礮

榆駐應人高樓大扁曰明遠況有愛山並尚友我來後公
五十載主人酌我樓中酒平田野水鳬雁集重岡複嶺蛟
龍走登高欲賦乏佳興忽覩台躔照窗牖家藏有此希世
珍取酒當爲主人壽想當洗硯發筆時羽簞生風劍龍吼
焉知今日正傳玩名與麒麟同不朽嶠南黽黽十五秋老
將如今安得有鄂公九原如可作養壽清商爲公奏

送劉子簡之武昌學正

劉侯兄弟競秀發仲氏卓犖殊可人訓徒名門示高爽棖
臬中實皆輪困未誇于氏容駟馬豈羨楊侯朱十輪荆才
非止箇輅枯燕璞迭見玕琪珣伯聞天庠不可去仲始捧
檄歸娛親滔滔南紀盛藩翰文武化行初未泯世皇八駿